

L. N. 3.

DISSERTATIO
De

JURE JURANDO.

QVAM

CUM CONSENSU ET ADPROBATIONE
AMPLISSIMÆ FACULTATIS JURIDICÆ
In REGIA UNIVERSITATE AD AURAM,

PRÆSIDE

VIRO CONSULTISSIMO

Dn. MATTHIA SWEDERO,
JUR. PATRII AC ROM. PROFESSORE
ORDINARIO,

PUBLICO SUBJICIET EXAMINI

DANIEL SARCOVIUS,

DIE X. FEBR. ANNI M. DC. LXXXIX.

IN AUDITORIO MAJORI,
HORIS ANTEMERIDIANIS.

ABOÆ IMPR. APUD JOHANNEM L. WALLIUM,
REGIÆ ACAD. IEDEM TYPOGR.

LIBRARY
DISSESTATIO
JURIS INDO

CHI GOVERNAR ET DUCERE
VULGARIS TACITUS HIRUNI
ONI SED ET ALIA

DISSESTATIO
DILIGENTIA
ALIA

DISSESTATIO
DILIGENTIA
ALIA

DISSESTATIO
DILIGENTIA
ALIA

DISSESTATIO
DILIGENTIA
ALIA

- I. *Jurisjurandi sanctimonia ex paganorum opinione.*
 II. *Juramenta temeraria in S. S. esse prohibita demonstratur.*
 III. *Jurisjurandum quid.*
 IV. *Jurisjurandi formula accommodanda ad religionem jurantis.*
 V. *Quid ad validitatem jurisjurandi requiritur.*
 VI. *Juramenta dolo, errore aut metu injusto elicita non obligant.*
 VII. *Juramenta quandoq; stricte explicanda; Et juramenta non excludunt tacitas conditiones.*
 VIII. *Quatenus heres tenetur ex juramento defuncti.*
 IX. *De juramentorum relaxationibus.*



Vin materia de jurejurando, prout nos eam heic tractamus, pertineat ad illam Philosophiae partem, qvæ *jus naturæ* tractat, neminem negatum ire existimaverim : Qvod siccirco pluribus heic deducere supervacaneum fortassis fuerit. Illud paulo exquisitius observari meretur, jurisjurandi maximam vim atq; sanctimoniam etiam apud Ethnicos habitam fuisse, ita ut gravissima perjuros pœna mapere crederetur, quæ ad posteros quoq; pertingeret (qvod non nisi de gravissimis criminibus creditum) & ubi lola voluntas sine facto pœnam arcesseret. vid. Grot.de J.B.ac P.l.2.c.13. §.1. Huc facit institutum Pythagoræ, qui discipulis suis præcipiebat, σπανιες μὲν ὄργουαι χρησαμένος δὲ τοῖς ὄρκοις πάντως εἰμένειν, ut ad jurandum raro ac tarde accedant, ubi vero semel jurassent, ut prorsus sa-

fus sacramenti fidem servarent. Eusebius apud Stobaeum serm. 27.
Multi homines abortantur, τὸ ἐυόπες εἶναι, ut verum jurent. Ego
vero, καὶ Τὸν ἀρχινοῦ μηδὲ εὐκετέως ὄμοιος, ne principio quidam
temere jurare religiosum duco.

§. 2. Cum itaque juramenta tam sancta etiam apud paganos fuerint habita, quanto majori cum circumpe-
tione atq; reverentia nos Christianos ad ea præstanda ac-
cedere, præstataq; servare oportet; queis non solum lumen
suppetit rationis, (per cuius dictamen ea qvæ ad vitam
hancce rationalem ac socialem decenter agendam faciunt,
eruere possumus) verum etiam τὰ λόγια τὰ Εἰς concredi-
ta sunt. In quibus uti juramenta necessaria in re licita ac
possibili adprobantur (vid. Deut. 6. 13.) præsertim cum ha-
beamus exempla jurantis ipsius Dei, Gen. 22. 16. Nuin. 14.
21. Jer. 22. 5. c. 44. 26. Christi, Matth. 51. 8. Angelorum, Dan. 12. 7.
Apoc. 10. 6. Sanctorum quam plurima in V. & N. T. ita e-
contra quæ temere fiunt & in re cui vitium aliquod vali-
ditatem jurisjurandi elidens adhæret severe prohibita sunt.
vid. Gerh. Ifag. ll. Comm. l. 15. th. 44. Elegans quoque
est monitum Impp. in l. 13. §. 6. ff. de jurej. προπετῶς μὴ ὅ-
μιλος, petulanter ne jurato. Jure autem naturali licita, imo &
necessaria esse juramenta non negabit, qui humani pra-
vitatem ingenii & ad fallendum proclivitatem penitus ri-
mari voluerit. Nam introductum est juramentum, ut ho-
mines ad enunciandum verum aut servandum promis-
sum eo firmius adstringantur metu divini Numinis, omni-
potentis & omnisciæ; cuius vindictam, si scientes fallant,
per juramentum in se invocant, ubi alias metus ab homi-
nibus imminens non satis efficax videbatur, quippe quo-
rum vires contemnere aut declinare, vel scientiam falle-
re se posse sperabant. Puf. de I. N. & G. l. 4. c. 2. §. 2. Hob-
bes. de cive. c. 2. §. 20. Possit huc applicare ea qvæ habet

Olden-

Oldendorp. class. i. Act. 9 sub initium: non solum utilis ve-
rum etiam necessarius est jurisjurandi usus, velut ultimum inter mor-
tales praesidium tuenda veritatis. Credendum enim est homines,
qui aliquid frontis habent, divini nominis testimonium non fal-
so invocaturos. Qvod autem Grot. d. c. §. 21. existimat, af-
fertorium quidem juramentum à Christo & Apostolis pro-
bari, promissorium vero non item, id merito refutatur ab
Osiandro ad. h. l.

§. 3. Est itaque jusjurandum assertio religiosa, qua
divinæ misericordiæ renunciamus, aut divinam pœnam
in nos depositimus, nisi verum dicamus. Hunc enim ju-
ramentorum sensum esse, facile indicant formulæ, quibus
illa concipi solent, puta, *ita me Deus adjuvet, Deus sit testis,*
Deus sit vindicta, aut his æqvipollentes apud Romanos: Tu
Jupiter macta eum, qui fecellerit, ut ego hanc macto porcam. vid.
Livius lib. i. & alibi. In hoc ipso autem gravissima pœna
est, si quem Deus propitius mortalem non adjuvet. vid.
Puf. & Hobbes ll. cit. Nam etsi ponamus id falsum es-
se, qvod antiqui crediderunt etiam posteros ob perjuri-
um parentum pœnæ divinæ obnoxios futuros, de quo
in §. 1. (Qvia aptitudo ad pœnam ex merito oritur, cu-
jus fundamentum est sua cuiusq; voluntas, qva homini
nihil magis proprium, qvæq; nisi ex motu intrinseco vi-
tium contrahere non potest. Puf. l. g. c. 3. §. 33, conf. Jo.
Ad. Osiand. observ. in Grot. p. 1208.) tamen ipsius perju-
ri persona divinæ gravitatem vindictæ metuere neces-
sum habet. Hesiod. *clades mortalibus unde Adveniunt, quoties*
fallaci pectore jurant. Hinc etiam adparet, cum præter
Numen nihil sit omniscium aut omnipotens; absurde ju-
ramentum concipi per aliquam rem qvæ opinione divi-
nitatis destituitur, hoc nimirum sensu, ut ea res testis arq;
ultrix perjurii invocetur: etsi hoc freqvens sit, ut in ju-
ramento

ramentis certa res nominetur, per quam juretur, hoc sensu, ut Deus, si jurans se fellerit, vindictam suam in istam potissimum rem exserat, tanquam juranti carissimam & maxi-
mi aestimatam. Puf. de offic. hom. & Civ. l. i. c. xi. §. 3.
Ex quibus & hoc patet, non sine ratione grauiter quoniam punitos, qui per caput aut salutem principis pejerabant; quippe quod crederentur divinis penis ipsum principem facere obnoxium, cuius tamen incolumenti salus publica sit innixa. vid. l. 13. §. fin. ff. de jurejurando. Sic Aben-Eidras testatur, usum receptum esse penes Aegyptios,
si quis juraverit per caput Regis, neque steterit promisso, morti adjudicari, etiamsi pro redimenda vita sua tantum auri, quantum ipse pendet, obtulerit, citante Osian. obf. in Grot. pag. 982.

§. 4. Id praeterea certum est, etsi in jurejurando Deus testis invocetur, illud tamen concipi debere formula accommodata ad religionem ejus qui juraturus est. Frustra enim adigitur aliquis ad jusjurandum per Deum quem non credit, adeoque nec metuit. Eti nam lumine naturali sci-
re possit Deum esse: nemo tamen per illum se jurare putat alia formula, vel nomine, quam quod suae ipsius, hoc est (ut existimat is qui jurat) verae religionis praceptis continetur. Hobbes c. 2: §. xxi. Inde quoque est, quod qui per falsos Deos jurat, quos ipse tamen pro veris habet, utique obligetur; et si se fellerit, revera perjurium admittat. Quia quanquam sub falsis notis, generali tamen complexione Numen intuetur, ideoque Deus verus si pejeratum sit, in suam injuriam id factum interpretatur. Hinc Aug. Ep. ad Publ. 254. Et qui per lapidem jurat, si falsum juret, perjurus est. Deinde: Non te audit lapis loquentem, sed punit Deus fallentem. Grot. l. c. §. xi. add. c. 10. qv. 5. cauf. 22. ubi Augustini sermō de verbis Apostoli citatur. vid. & Ziegler,

ad. d.l. Grot. Ei vero qui juramentum accipit sub formula illius religionis, quam jurans quidem pro vera, ipse autem pro falsa habet, nihil peccati metuendum existimamus, quippe cum ideo istius religionem hautquidquam adprobet, aut provera habeat. Pertinent hue Augustini verba quæ reperiuntur in Jure canonico, c. 16. qvæst. i. caus. 22. *Qui utitur fide illius, quem constat jurasse per Deos falsos, & utitur non ad malam rem, sed ad licitam & bonam, non peccato ejus se sociat quo per demonia juravit, sed bono pacto ejus quo fidem servavit.*

§. 5. Porro ut juramentum obliget, requiritur non solum ut animo deliberato id suscepimus sit; sed insuper ut licita sit illa obligatio cui firmandæ id accedit. Qvare nullas habebit vires jurata promissio de re, quæ est illicitæ jure naturali & divino, imo humano quoq; modo isti non repugnet. Qvam in rem adfertur exemplum Davidis, 1. Sam. xxv. qvi Nabali pepercit quem se occisurum juraverat. *In malis promissis rescinde fidem, in turpi voto muta decresum, quod incaute voruisti, ne facias; impia est promissio, qua scelere impletur,* ait Isidorus c. in malis caus. 21. q. 4. Ambros. l. 3. de offic. c. 12. *Quod male juratur, pejus præstatur; miserabilis est necessitas, qua parricidio solvitur.* Philo de specialibus legibus ad tria Decal. præcepta p. 491. *Qui juratus male agit, addit culpam culpa, dum sacramento abutitur, cum debuisset potius abstinere à malitiis.* Abstineat igitur, & supplex Deum exores, ut pro sua clementia temeritati inconsulta ignoscat, quæ ad jurandum præceps actus est: nam duplicare noxam cum te possis exonerare dimidio, maxima est mania, vix unquam curabilis. Imo etiam si res, quæ promittitur, in se non sit illicita; non tamen valebit jusjurandum, si per id impediatur majus bonum morale; seu ubi per id simus prohibendi obire aliquod officium humanitatis ac pietatis. Puf. l. c. §. 10. Huc pertinet insignis Philonis locus à Grotio citatus, d.l. §. 7.

quem semel, h. e. latine ponam. Sunt quidam adeo duro atq; insociabili ingenio, sive odio humani generis sive dura domina iracundia fibaci, ut morum feritatem jure jurando obfirment, ut ne hunc habeant mense aut tecti socium, ne illi bene unquam faciant, ne quid ab eo ad mortem usq; accipient.

§. 6. De juramentis dolo aut errore elicitis, vel permetum injustum extortis, id in universum tenendum, illa haut quidquam obligare, nec perjurii notam contrahere, qui eadem non servat. Nam juramenta in se non producunt novam aliquam & peculiarem obligationem, sed obligationi in se validae, velut accessorium quoddam vinculum superveniunt. Hisce consona sunt, quae tradit Hobbes de civ. d.l. §. xxii. Pactum nudum non minus obligare quam in quod juravimus. Pactum enim est quo adstringimur, juramentum ad punitionem divinam attinet, quam provocare inepsuus esset, si pacti violatio non esset per se illicita. Illicita autem non esset, nisi pactum obligatorium esset. Ex hisce lpatet quid sentiendum de nonnullis casibus, qui heic agitari solent; puta, de juramento à Josua Gibeonitis praestito, de quo vid. Puf. & Grot. add. Osiand. in Grot. qui monent præceptum illud Deut. xx. 16. non ita stricte esse interpretandum, ut non aliquam admittat limitationem, hanc nimirum, nisi si qui statim imperata facerent. Succedit nobilis illa multumq; vexata quæstio, an juramentum latroni praestitum, sit servandum; quæ tanto curatius discussienda, quod plurimos invenias, qui heic diversas fovent sententias, vid. Grot. h. l. Osiand. Ibid. Gerh. Ilag II. com. part. 2. l. 1. Add. Loccen. Syn. Jur. dissert. x. q. 5. qui Grotium heic sequitur, & alios. Isthac super re nobis ita videtur. Cum obligatio semper referatur ad alium cui quid est praestandum; adeoq; illi respondeat in alterojus, cuius vi exigere queat obligationis impletionem, inde

inde adparet neminem obstringi juramento per metum
injustum extorto; (puta si gravi alicui malo vitæ nostræ
a prædone intentato nos eripere non possumus, nisi ma-
gna vi pecuniæ jurejurando ipsi promissa.) *Ulpianus* l. 7.
§. 3. *ff. de Pactis*; *se ob maleficium, ne fiat promissum sit: nulla*
est obligatio ex hac conventione. Inepta quippe est ad quæ-
rendum sibi jus hæc velut materia, alteri non inferre id,
quod per leges inferre prohibebaris; & absurde impu-
tas alteri, quod non feceris id, quo facto graviter pecca-
turus fueras *Puf.* l. 3. c. 6. §. II. *Seneca* l. 2. controv. 13. non
est, *beneficium scelus non facere.* Idem sentiendum, si quis in
latrones incidentes ad redimendam vitam cogatur jurare silentium
perpetuum, & ipsis quantum in se caverre de impunitate; nam &
illud juramentum per exceptionem metus injuste incussi instru-
atur; præsertim cum ex tali silentio pluribus innocentibus periculum
emergere facile potest, quod a proximo amoliri omnibus modis
jubemur. *Vid. Matth. vii. 12.* Imo qui latrones non prodit, suspicio-
nem societatis occultæ cum latronibus initæ præbet; Quod factum
legi naturali maxime contrariatur quæ istiusmodi sociates plane
improbat ac damnat. *conf. 1. Cor. V. 22.* improbosq; illos nebulones
in malitia atq; Atheismi professione confirmat. *Qvod vero Grot.*
h. i. censet ex ejusmodi juramenti non quidem homini, Sed Deo jux-
ta, id vix admiserim, cum verba heic non ad Deum sed
ad hominem dirigantur; neq;. Deo aliquid promittitur, sed la-
tronis. Unde etiam meo judicio melius faciet, siquidem quis ex in-
vocatione nominis divini conscientia scrupulus oriatur, qui promis-
sionem pecuniam in pias causas erogat, ne facinorosorum malitia ne-
bulonum eadem alatur. Isthæc tamen hautquidquam extendi ve-
lim ad foedera vel pacta queis bellum finitur, quod pleno utrinq; con-
fensi gestum fuit. Cum enim lex naturæ jubeat pacem omnibus
modis querere & conservare, adprobaretiam media quæ ad istam quæ-
rendam aut servandam tendunt vid. *Grot. d. l. §. 8. 15.* & l. 3. c. 19.
ubi de fide inter hostes. Add. *Puf. l. c. 8. §. 1.*

§. 7. Porro & hoc observandum, et si à juramentis omnis interpre-
tatio cavillatoria procul abesse debeat, ob reverentiam quam Deo de-
bemus

bemus; non tamē ideo eotundem interpretationem semper esse exten-
dendam, sed quandoq; stricte faciendam; siquidem subjecta materia id
requirere videoatur. Huc pertinet exemplum Israëlitarum, Judic. xxl.
qui cum jurassent se filias suas Benjaminitis in matrimonium nondan-
turos, raptas cum raptoribus vivere permiservnt. Aliud enim est dare,
aliud raptum non repetere. conf. & Liv. l. 39 c. 37. Huc etiam refer-
tur à Pufendorf^{lo} l. c. §. 13. juramentum Davidis de impunitate Simei
præstitum 2. Sam. xix. 23. Sed nec tacitas conditions & limitationes
excludunt juramenta, quæ ex ipsa rei natura rite fluunt. Puta si alicui
qvicq; videt petendi optionē concessi, ubi iste siqva aut absurdā pe-
tierit, hautq; videt quā tenebor. Qui enim aliquid indefinite alteri roganti
promittit, apteq; vnam noverit quid iste sit petiturus, præsupponit alterū
petiturum honesta, moraliter possibilia, non absurdā, non sibi aut aliis
perniciosa. Hinc apparer quid judicandum de facto Herodis, Matt. xvi.

§. 8. Coeterum quatenus heres teneatur ex jurejurando ejus evi suc-
cedit, ex hisce apertum sit. Si ex jurejurando nemini fuit perfectum
ius quæsium, ipsaq; obligatio tantum in pietate, fide aut constantia
jurantis fundata fuit, heredem ejus qui juravit non tenari. Quia ad he-
redem scut bona transeunt, id est, qvæ in hominū sunt commercio, ita
honorum onera: non item alia, qvæ qvis ex officio pœna pietatis, gras-
tæ, fidei debuit. Hæc enim ad illud quod stricte jus dicitur inter homi-
nes non pertinent, uti docet Grot. l. c. Add. tamen Puf. §. 17.

§. 9. Dispiciendum nunc obiter quid superiorum imperia circa jura-
menta possint. Ubi illud manifestum est, superiorum actus hoc quidem
efficere non posse, ut iusitrandum quatenus vere fuit obligatorium
non sit præstandum: id enim Juris est naturalis & divini. Verum ubi iu-
ratum fuit super rebus & actionibus, qvæ directioni superioris subsunt,
juramentum à consensu expresso aut tacito superioris vim mutuabitur,
qui illud irritum declarare potest, ubi idem ipsi displiceruerit.
Sed & ubi ex persona iurantis non potest irritum declarari iuramentum,
poterit tamen eiusdem effectum elidere superior eius, cui ex iuramento
jus est quæsium, si jus istud ipso auferat, aut vetet ne quid ex iura-
mento accipiat, idq; vel pœna nomine, vel ob utilitatem publicam
ex vi dominii supereminenteis, Vid. Pot. & Grot. ll. c. De variis iura-
mentorum generibus consulantur iidem, & alii, imprimis

vero juris Rom. interpretes.

SOLI DEO GLORIA.